

Al faer click en cualquier enllaz nésta páxina usted ta dando'l so consentimientu pal usu de cookies. [Non, dame más información](#)

ASTURIES.com

ENTAMU NOTICIES » GALERÍES HUMOR INFANTIL ASTURIANU » OCIO ENTREVISTES

El 'Calendariu Científicu Escolar 2022' del CSIC pue descargase n'asturianu y n'otres nueve llingües

• El 'Calendariu Científicu Escolar 2021' del CSIC yá ta disponible pa la so descarga n'asturianu y otres cinco llingües

Ciencia y tecnoloxía | 11 Xineru, 2022 por Pablo R. Guardado

[Inicie sesión](#) o [rexístrese](#) pa espulizar comentarios

Lesperantu, el francés y l'árabe son los trés llingües nueves na que'l [Conseyu Superior d'Investigaciones Científiques \(CSIC\)](#) asoleya'l 'Calendariu Científicu Escolar 2022', que dende la so creación nel 2020 ta disponible n'asturianu. Los usuarios [pueden descargalu de baldre](#), asina como la guía didáctica adaptable pa Primaria y ESO.

El 11 de xineru del 1906 "naz el químicu Albert Hofmann. Describió la estructura de la quitina y demostró los efeutos psicotrónicos del LSD mientres estudiaba los alcaloides del cornezuelu del centén". Ye la descripción que corresponde a esta xornada, na que'l CSIC anunció la disponibilidad d'esta ferramienta de conocimientu y de trabayu en clase que cumple trés años, y que se complementa con otres 364, una pa cada día del añu.



L'Academia de la Llingua Asturiana (ALLA) ye la responsable de la torna d'esti proyeutu del [Institutu de Ganadería de Monte](#), centru mestu del CSIC y la Universidá de Llión, a partir d'una propuesta d'[Europa Laica](#), que tien l'oxetivu de divulgar la cultura científica nes escoles y promover vocaciones ente los alumnos na ciencia, la teunoloxía, la ingeniería y les matemátiques. Una iniciativa que contó una vegada más cola collaboración d'un ampliu númeru de profesionales n'educación y d'otres persones voluntaries na busca d'aniversarios y el diseñu d'actividaes complementaries.

De 7 a 10 idiomas

La novedá principal d'esti añu ye'l pasu de 7 idiomas, llueu de la incorporación del aragonés al asturianu, castellanu, gallegu, eusquera, catalán y inglés, a 10 cola edición n'esperantu, francés y árabe. Tolos calendarios tán disponibles pa la so descarga de baldre, asina como les guías didáctiques adaptables a distintes asignatures y niveles de Primaria y Secundaria, y nel casu de les llingües cooficiales imprímense 11.500 exemplares pal so repartu físicu en centros educativos y n'instituciones de divulgación científica.

"Más de 800.000 persones utilizaron el 'Calendariu Científicu Escolar 2021' nos diferentes idiomas. Esperamos que esti añu se siga esti rebufu", comenta Pablo Gutiérrez Toral, investigador del CSIC natural de Blimea y coordinador del proyeutu. "Pal 2022 tratóse de crear un calendariu más igualitariu y diversu, tanto en protagonistes como en temátiques. Inclúyense a representantes del colectivu LGTB+ y a persones de múltiples nacionalidaes. Como siempre, hai aniversarios de bioloxía, química, ecoloxía y astronomía, asina como de llingüística, folclor, agricultura, veterinaria y arqueoloxía. Nesta ocasión, tamién van atopase efemérides sobre arabismu y ciencia hispanomusulmana, pa poner en valor la nuestra herencia", esplica.

Tampoco nun s'escaez l'accesibilidad y, ente otros coses, "facilitase tamién en testu planu, lo que permite la so receición per aciu de sintetizadores de voz o llinies Braille, y les imáxenes en redes sociales inclúin testu alternativu pa los llectores de pantalla". En Twitter, na cuenta @CalCientifico, compártense tolos díes el datu de cada xornada en diferentes idiomas, pero esti añu ponse en marcha un grupu en Telegram y ábrese la posibilidá de descargar ficheros ICAL pa integrar el calendariu científicu nos calendarios en llinia como Google Calendar, Apple Calendar y Microsoft Outlook, ente otros.

Instituciones participantes

Amás de participar na torna, l'ALLA tamién fai una aportación económica pa que'l proyeutu salga alantre xunto con otres instituciones, amás de los propios entamadores, como la Fundación Española para la Ciencia y la Tecnología (FECYT) –adscrita al Ministeriu de Ciencia y Innovación–, la Kultura Zientifikoko Katedra de la Euskal Herriko Unibertsitatea, Europa Laica, la Unidá de Divulgación Científica e Cultural de la Universidá da Coruña, Casa Árabe, Alliance Française Gijón, University of California Davis, Nogarás, Teagasc, SOCIB, IFISC, Casa de la Ciència València, la Federación Española de Esperantu, Universidad de Zaragoza y Pura Vida Software. Otres munches entidaes tamién collaboren pa que'l calendariu sía una realidá.

EFRÉN D'ANDRÉS



OPINIÓN



Perdón
Nel Morán

[Ver más](#)

Asteu Oviedo, viviendas de 2 a 4 dormitorios con terraza, plaza de garaje y trastero.

Aelica promueve Arqura

VIDEOS



Carla Armas y Rubén García algamen el XIII Premiu Camaretá al Meyor Cantar cola canción 'El que conoz a tierra'.

[ver más](#)



Al descubierto: El costo de los paneles sol